


韻譚



韻譚續刻

強彙韻譚凡以永金玉之音而
申願問請事之意也既則子姓
同社有吟草社艸補遺之刻誠
為尖末迨有印藏之者乎有覆
瓿亦恐作懲吾又何敢示人乃

刻和富而梓人竟以諸草另置
一編陳余、讀艾氣不減者刻
第歲月漸長藉為程課不無少
資近奉大君子之教聊知禱之
規矩方圓每遘譚及頓汗背赧
顏若者扞舌而掣腕者題此以

自傲云五成玄冬敬一識

韻譚卷之七

續刻

蓮居敬一伯初父著

屏陵九十山人楊錫君寵父編閱

蘭渚八十山人田啟亮賓竹父同次

擬古十九首

出門復入門與誰為離別總在大塊中何須動
悲切十年歸未遲千里寧解珎但要結同心如
彼日月迭月借日以明妾借君以情君情如不
斷妾意敢逢迎所期在偕老與君同死生勿以

韻譜 卷之七
倏離別翻然改前盟

其二

對對鴛鴦鳥雙雙連理枝翩翩花下蝶偉偉少年兒皎皎顏如玉犖犖才必奇願將青絲結終身遂倡隨得爲荆布婦舉案效齊眉

其三

海上峙南山天邊縣北斗人生天地間氣槩如此久莫問烏兔飛寧識璿璣走一任闌紅塵半生耽白酒咲傲輕王侯冷淡交朋友何須口防

川未知川如口悠悠任所言言者世罕有不知山斗高人能與等否

其四

良會難邁止綺筵繽紛開鼓吹與歌調相接入雲隈聲聲愴中情不知手舉杯奮然篤所志須臾出塵埃誰憐題橋手驚看命世才不復嘆軻轆還着錦衣迴千金一買賦祇怪薄情猜

其五

仙人愛樓居鍊笛梅花調調落三伏寒悽楚山

音詞
卷之七
三
魁叫誰能爲此曲古今一長嘯吹徹天邊雲明
月來相照照見白森森吹入通竈竅嗟彼世間
人回頭不復少願此樓上翁浩劫垂玄教

其六

山蘭產幽谷水蘭生芳洲陟山還涉水采蘭意
悠游將以贈君子願言氣味投入室話同心令
忘時勢憂

其七

南薰冉冉來吹入我北牖閒寂無所事一枕羲

皇叟姬聖勤達旦孔聖喻糞朽莫怪三徑荒陰
涼有五柳睡醒夢不成清風握在手祇可自相
持不堪以贈友雖然積不盈寧用一錢取但于
秋冬間更莫發聲吼

其八

鳶蘿附松栢陰濃何芘周妾行侍君子恩愛何
綢繆祇恐恩愛深如彼陰濃侵雨露爲所奪松
栢減森森欲斷鳶蘿纏松栢枝不禁欲遠妾行
去難忘君子心祇恐君子意不如松栢林寧使

負薪嘆莫成白頭吟

其九

池中漣漪水水面生荷花
花開積落瓣嬌如秋
夕霞將以製爲服持以贈君家
願我同心人服之增榮華

其十

試問牽牛郎如何河西北
再問織女星如何永
相及織女因情工牛郎爲戀色
織錦不成文一怒動天敕
兩分東西居中有河爲則太白憐其

情終是回天力期以歲爲常
七夕娛一刻霧鵲架橋功
黃姑作伐德嗟彼世間人
古今稱奇特識此是佳辰
巧拙乞與式我爲兩星悲
浩然發嘆息

其十一

迴車不可言險是蜀中道
雲霧倚人生山石憑
合抱無奈杜鵑啼一步一聲
惱望帝何其仁至今人所禱
探奇海岳遊直向此中討

其十二

延袤萬里城防邊始自羸徭賦困天下築怨築
愁聲一朝失其鹿炎漢大業成在德不在險險
設德已傾嗟彼有所賴此城亦爲衡前人遺孽
臭後來享安榮物物皆一理何以別分明

其十三

去馬躍紅塵馬蹄逐芳草芳草何淒淒其下有
所寶英雄一土坵兀自能長保美俊一斜方埋
沒昔時好不知彭者長那是顏者天聞說明妃
墳節義變枯槁又有韓朋墓連理枝成葆嗟哉

此中言世情無以攷不若生世間忘言任潦倒

其十四

往者不可諫來者猶可追出門有所見空自土
纍纍狐兔窟爲穴牛馬踐成逵未知其下者目
覩心自悲人生不知足其如百年時

其十五

佛有不壞身仙有不壞神人生天地間祇有不
壞因遺臭常千載流芳幾萬春善惡隨所造心
性率其真莫言黃壤後令名同積塵

其十六

峭峭露生寒變作滿地霜
蛩聲驚歷亂促織向
人忙誰家少年婦砧杵理衣裳
最憐薄倖子一去不還鄉
記得臨去時折柳付伊行
今見河畔柳令人動慘傷
莫忘屢屢炊恐如陌上桑
寫書誰與寄嘹唳聽翱翔
欲把青衫縫忘却短與長
停針渾無語裁剪自商量

其十七

三秋容易去孟冬容易來
愁長夜亦永起看隴

上梅梅葉落欲發行行意見猜
客從何處至寄我相思字
上言相思情與我心無二藏之篋笥
中願言長不易展轉讀再過令人成不寐

其十八

妾心如山重君心如水流水流不復返
山重幾千秋君從遠方來妾在房中愁
貽我一束絲織成山水稠青山綠水情
與君一袖收

其十九

明月光可愛皎皎復團團
中有窈窕女鎮日居

廣寒曾向月中遊相逢正倚闌飲我金莖露羅
列水晶盤馥馥天香飄歸來猶足歡

戊午園菊頗盛九月六日薦畢稱觴志喜
手澤相傳菊有根迨余蕭索愧秋園年來治圃
三時力節裏開花五色繁報德敢忘先薦藻承
懽尤喜助怡萱東籬從此知珍重直與濂溪愛
等論

九月七日小酌張吳二先達

吾園秋色麗晚節菊呈芳一逕常雲護千枝帶
露粧賞花先執友接席示周行歲歲花酬景君
情共與長

九日偕子姓登高

登高追往蹟集飲樂吾儔雨歇山行穩天空野
望悠着屐添勝事落帽剩風流歸去開青眼黃
花插滿頭

十日再燕諸同姓暨諸僭

明日黃花蝶也愁却教此日再綢繆登臨欲續
山青鎖杖履休勞人白頭偏愛雨過園有色漫

言樽竭酒無籌座中有僭閑音律作賦洪都孰
可侔

十一日雅集諸社兼懷高約我時遊叅山
誰說重陽節已通黃花戀戀待人沽新晴最喜
醺籬落薄暮堪憐點畫圖雅調從來金可斷好
懷此際酒頻呼捫天更有同聲侶回首蓮居意
有無

十二日讌集諸戎侯

世際雍熙歲德明黃花處處任他生四隣寧謐

蒼黎樂二徑荒涼仕隱情杯酒且浮同世胃鐘
銘竚看請長纓醜夷蕞爾干天憲指日蒐除詔
太平

送桃源諸舅氏歸時至前三日也

仙里從來路不遙桃花渡口景偏饒相逢正是
陽生候別去尤憐月度宵此日葭莩仍倚玉當
年秦晉憶吹簫渭城續振烟霞契還許尋津信
可招

清夜

水仙香可掬入室伴梅花
新月橫窓瘦方瓶帶影斜
欹看情不倦靜賞意偏賒
翻愛清宵永炊桐漫煮茶

雪日繼樂携樽見過遍遊山園口占

喜客携樽有意來看梅
踏雪過山隈竹枝低壓尋常路
到處梅花破雪開

疎密霏霏任點衣
隨情遶路頓忘歸
一觴未盡相憐意
又愛前邊潦亂飛

梅花一色映冰花
滿目粧瓊不見丫
漫歇花間

知酒暖彤雲薄處夕陽斜

西園雪裡興偏生
只記看梅酒盡傾
烟動市廛千戶晚
釣垂江浦一舟橫

習懶謝交書寄諸友彭老山人以詩見復

因和來韻解嘲

悞我從前學讀書
年來作事不能如
祇堪閉戶常居竹
未許臨江共坐漁
物色忍開君子眼
衣冠猶帶小兒瓌
一生懶癖倩誰解
公獨知予媿且疎

詠斗室紅梅

有引

有斗室予朝夕所處者紗窓三幌外有粉壁相映引光入室豁我心目若夫月色斜臨尤稱清致時小園紅梅一本枝榦新長滿樹着花高可四五尺窈窕如束置之窓前花宜此境而境宜此花望之如丹青之巾幅予每早起卽蓬首相翫花含宿露亦如美人初起亭午日色相烘如美人之修飾薄暮輕煙輻湊如

美人之倦容方當朔夜挑燈掩影而望之如美人月下徘徊狀迨雪壯精神雨添冷淡而黃昏月滿又有一番景象不可形容久坐其下暗香遞入非蘭非麝更是沁人肺腑因付此引而繫之以詩新條疎影一枝斜斗室偏宜窓底花凌曉憐看含宿露挑燈笑對襯殘霞香來几席蘭相契色透紗櫺春欲華不必灞橋風雪裡圖書檢點與尤餘

臘望展祀補陀先於道院得晤彭老山人
歸書新曆頭寄之

看到梅花惜歲殘
霽祠展祀意交攢
未從竹院皈依佛
先得芝眉快識韓
十載訂交徒夢寐
片時把袂足盤桓
慙尤有相逢約
燈月交輝一授餐

寄問玉山

不見山人一載餘
題詩寄與意躊躇
幾番簪盞盟猶在
兩度花開念未除
莊有白雲如待客
郢

饒幽興好移居
何時先穀邀行色
詩酒襟懷且共舒

彭翀之留別繼樂屠敬所集飲遙寄

相逢喜是看花期
蘭芷聯翩得契知
繾綣無如君對酒
踟躕惟許我題詩
雲山未敢輕離別
江月頻教入夢思
更憶柳花飛共遠
沾泥偏惹意遲遲

花下稱觴口號

花如含笑共樽斝
鳥若知音襍管絃
最喜年年

春釀熟先從菜綵戲階前

看花

槐葉三春花一名送春歸

送春歸去意如何向日才開色自酡分付主人
頻愛惜莫教風雨更摧挫

初夏兀坐汰俗軒

偷閒半日臥山居更值清和雨意餘鳥語亂鳴
春令在人言岑寂野情舒色侵碧綠窓前滿隙
破陰濃漢外虛一枕恍然無物我醒來猶自笑
徐徐

西池醉雨

霖雨纔停欲暮時殘雲風捲出西池放舟適性
隨流棹呼酒豪情不待卮霽色一天偏自愛新
腔半曲倩誰知醅醕且任今宵醉莫管明朝又
雨期

四志樓坐雨

畏暑閒情已倦遊入秋雨際到樓頭蓮池更愛
嘗新實禾圃還憐獲早收平楚四邊青送迥扁
舟一水野橫悠正襟危坐皆堪適濁酒清歌誰

共投

驚秋

乍聽鳴蛩三兩聲西風兀已報秋成
火流堪嘆光陰態梧落寧知艸木情
少婦閨中衣未就征夫塞外意先縈
祇憐吾澧稱豐稔還望絲綸詔太平

七夕前夜雨志感

新月初憐夜色清竚看銀漢鵲橋橫
雙星有意翻爲雨兩地無愁強作盟
天上人間寧好事常

年此夕費閒評因緣周雅斯干夢悞却從前弄
化生

七夕撫景口占

臥看牽牛織女星意懸銀漢轉惺惺
微風乍動涼侵袂新月初明色到庭
一曲匹綾情不惜半迴斗酒興猶醒
片雲何事開還合應使人間望莫停

與人還武陵

我方北窓臥忽枉瑤華來綠字綵重護
春色尚

音言
卷之七
徘徊憐爾如青鳥函書衝紅埃短拍歌一曲長
空逗雲回便思錦瑟醉愧乏匹綾才嗣此日箕
踞期佐黃花杯告我叅山去尋登神女臺且返
武陵棹漁郎空自猜殷勤無以贈聊爲釘餽裁
採蘭如有意猶看隴頭梅

夜半偶成

夜深人籟息秋早候蛩鳴露湛闌干潤天空戶
牖明披衣隨意立抱膝有心生睡眼非青白鬚
然涉世情

觸意

一蛩窓底響凌晨料得深閨聽轉輦恨不五更
親剪尺朝來寸縷憶家貧

桂下吟

吾園叢桂已開花天香馥馥擬仙家味浮紗幌
起雲霧影凌玉宇動煙霞陣陣墜來衣不濕看
看飄去路偏遮坐久不知身何處恍疑月窟欲
乘槎

送陳賓南輔導還蜀

太丘孫子賦才優
藩邸推尊賈傳流
一載春留
蘭浦席片帆
風颺蜀江舟
岷峨道遠浮雲薄
灑
瀕灘高白鷺
遊到日秋來
明月夜醉餘
吟處好
登樓

采蘭西去有餘芳
我憶西川是故鄉
詞句應迴
三峽遠猿聲
偏咽萬山長
青搖楊柳牽離思
紅
映榴花倒別觴
江水東流雙鯉便
尋常尺素莫
相忘

秋日雜咏

桂有香兮雨有聲
桂香入雨兩般清
偶來桂
不愁濕香透青衫
覺有情

河西楊柳依依在
塞北條條柳亦垂
獨怪章臺
人不似幾年光景
意如誰

飛燕曾驚雲裡轂
這迴乍見不勝情
呢喃未識
從前語秋往春來
別一生

竹帛誰人製作箋
不施丹繪入華筵
殷勤袖去
憐瑩膩擬作薛濤
詩滿篇

未識君家酒淺深
玉卮高捧問知音
主人情重

我量窄偏愛相憐意漫斟

一枝冷艷出墻隈莫恨西風獨自開籬落有情
相伴處何人爲惜菊花杯

蛩語偏多寂寞礎幾回愁聽罷閒吟相逢更愛
壺中趣識我誰同壁上琴

嬌嬈無力海棠秋依砌開花覺已羞無奈簷流
聲不息深紅洗淡使人愁

秋雨連宵寒始凝輕裘着體不爲憎江州司馬
衫誰替更憶遼陽寄未曾

玉釭初熟未芻醅招爾同嘗杯復杯滴瀝味甘
容易醉明朝二釀可重來

五言律絕難于七言律絕所從來矣秋日
雜咏已得七言十絕日來復成五言十絕
盖亦無中生有寫景或未得逼真耳覽者
其取意焉吾不敢謂詩也

緣堤多綠樹幾點綴深紅不是霜華媿留情在
此中

記得有叢菊臨崖向水生如何覓不見應有采

奇英

白鶴溪邊立窺魚意自閒人來不飛去相覺息
機還

與客憐和煖趺跏仍席茵池邊秋日樂疑是曲
江春

舉頭見新月低頭語美人未聞何所囑惟見酒
逡巡

小園佳客過相謂類輞川人醉歌湖上招呼懶
下船

貽圖能會心把玩不釋手未可得形容吟詩千
百首

人間日始靜坐久境偏幽只有禽聲近還看麋
鹿遊

君語真良藥澄心莫計時得同此地者便有箇
中知

枕詩思李白漉酒愛陶潛此際登高早無爲明
日嫌

已未秋有以筥見貽者其上繪竹林圖紀

其時爲丙辰夏夫丙辰夏正余洗竹集七
人飲之日也圖者將爲誰乎而適湊合且
爲余有把玩喜可知已因賦此

丙辰之夏曾洗竹集飲七人日不速山人爲我
寫圖書彼此倡酬列滿幅龍孫日長已參天琅
玕之外素壁前君家珠玉我瓦礫與竹共峙年
復年吾園因此以免俗一經評騭成良玉賞心
到此樂事多更憶當時人度曲偶爾美人貽我
扇素羽半團繪滿面何期時歲亦相同晉賢往

蹟情堪戀嵇康阮籍意如何小阮山濤發浩歌
疑是王戎橋始度劉伶向秀飲同過不羨此時
圖者博不羨當時隱者樂只羨贈者一時情適
然投我心所托吁嗟乎清高君子傳古今更願
長同松栢心

賞菊見桃花

造化偏於九月濃籬邊炫綵傲霜容桃花未肯
輸春色點綴枝頭意若逢

多果園初構小亭落成卽景三絕

其一 紗窓窺月

四壁塗藍斗室寬
紗窓一隙管中看
清光乍湧團團夜
人坐冰壺憶廣寒

其二 紙帳聽風

梅花帳底已春同
譚笑邀君杯酒中
天籟忽驚遙入耳
捲簾相與逐西風

其三 竹籬擁葉

葉捲殘雲半有聲
竹籬漸次積無塵
呼童頻拂休教散
煨笋燒芋可供薪

桂林返照

濃雲迷三合
半日含青山
返照叢桂樹
金粟佈人寰
我從紗櫺窺
另作一世間
香氣襲襟裾
貪臭不知還

重登關嶺述事

憶昔登關嶺
肩輿嫌步遲
芒鞋憑道險
莎艸度溪危
酒到千鍾盡
詩成百首奇
重遊知跼蹐
高望自支離
同調閒情失
先碑古字遺
天空烟乍息
風響樹偏宜
蘭芷聯如帶
桐梁接若眉
盤旋

顧鬧市俯仰動微思歲序驚飛遞精神覺易疲
歸吟兀坐裡明月夜何其

有問菊殘因荅

相逢便問菊花殘一度陰晴便改觀未識明年
春得意可曾枝葉滿雕闌

真不乍寒口占

冬日久晴良可愛冬風乍起迷四塞寒隆密雨
急相侵閉門兀坐情安在誰家輕薄兒女儔單
衫走馬加船樓莫將氣槩度容易只恐風霜早

白頭

集句

與君共看月初圓韓翃祇是當時已惘然李商

隱今夜不知何處宿岑參三春行樂在誰邊劉

延之愁憐粉艷飄歌席羅隱燕斲飛花落舞筵

杜甫酒貌昔時花共艷盧綸可堪風景促流年

李郢

長至行告祝禮時月明如晝朝退適恭

懌東事奏書人還志喜

造化如環又更生此時萬國共嵩聲一天零露
沾深澤五夜清光仰大明候琯已徵熙皞象邊
烽自息太階平么膺正擬河清頌 聖德傳昭
葵藿情

孟春十三日閒步小園偶占亦志太平景
象云

歲事崢嶸又閱旬太平餘樂願同人燈明昨夜
千門月鳥語今朝一段春嶺上梅花香細度水
邊楊柳色微新一番閒步一番景貫酒邀朋不

厭頻

庚申孟夏四志樓集飲聯句

樓臺爽氣兩相宜 一着屐登臨興更奇滴翠四

窓交樹色

繼樂

飛烟幾處動村炊唸來且醉尊

前酒

玉山

嘯罷渾忘世上棋轉眼風光開夕霽

一池新水獨漣漪

繼樂

庚申孟夏四志樓卽事得山字

風雨撩人意危樓共客攀影隨環澗水青送對
門山詩酒非容易乾坤亦等閒倡酬情不厭莫

音譜
卷之七
令杖頭慳

又得紋字

乘興西園忘宿醺盤桓尊酒意慙慙花明岸口
金絲柳雨落波心玉筍紋高我扁舟新漲水遲
君小閣午停雲幾回有句堪同調刻燭何須屬
夜分

又得荷字

夏日長無事論心話自多鶯啼猶對語農唱勝
排歌碍屋翻新笋牽舟避長荷得逢一樽酒爲

問興如何

四月七日登樓卽事

去年此日亦登樓此日登樓氣若秋行隊幾番
趨調發閭閻四壁怯徵求祇知治化勞循政尤
藉威風駐上游但使醜夷歸正化寧無談笑覓
封侯

夏日雜咏十絕

昨宵醉夢到巫山十二參差路往還未識襄王
何處去空留神女泪潛潛

千紅萬紫鬪芳菲可怪詩人意自違却向陰濃
覓顏色不知花片向誰飛

榴花灼灼向人開艷鬪紅裙漫自猜祇愛眼明
情不倦一枝猶自倚樓臺

雙雙雛燕遶雕梁一度呢喃一斷腸晝靜人間
相對久莫教容易避秋霜

一顧能教千里馴羨君眼底出凡塵從今縱有
連城璧世上應無泣璞人

瀟洒如君誰與儔東山遲日可綢繆白雲自在

無心出明月還堪續舊遊

風流愧我意難如長夏寥寥且索居慚與君家
臨紫陌對人還自獨躊躇

牛馬從他口自呼竭來一任自胡盧相逢須是
拚泥醉休問當筵意有無

舌頭已困筆頭枯枉自迴腸論楚吳楚岫雲閒
誰取贈吳山雨霽摠堪圖

詩酒原來一戰場壯心祇是忿遼陽夜來一枕
英雄夢掃盡胡塵詔萬方

題烏斯僧卷

兩僧自西來携有南國紙滿紙信者言我亦不能已將欲附所云未識禪宗旨邂逅別離心以此志懽喜

信步

信步踏青去桃花帶笑迎逢僧禪不解共客酒須傾蛙鼓池邊動螢燈草底明歸來忘路遠慙是惜春晴

夢醒

清響徐徐入枕中嬌鶯雛燕逐春風傷情未忍聽殘漏猶怯朝來看落紅

玉山山人見誚相晤一月未一字之成因意會偶占亦不能成句聊免誚耳

懶漫閒情且索居無端愁緒意難如浹旬簷滴春光淡一夜窓明月影疎繡浦擷蘭常着屐衡陽來鴈不題書知君剩有豪吟興愧我何能報子虛

見飛花偶占

東風可事遊人興

一日春晴興欲狂東風何事惱人腸典衣沽酒
尋遊伴片片桃花過短墻

偶成

燕壘初成聊隱几乍聞鶯囀兩三聲晴光自是
春還住莫負雙柑斗酒情

贈人

乍聽還憐鶯囀喉相逢却愧錦纏頭題詩欲贈
誰堪並檻外紅殷安石榴

一曲歌償一首詩美人意自道便宜不須更費
經綸手且得佳名亦好奇

西園雨際舟中

雲物驚看天際奇潑頭風雨問舟師停尊斜峽
莎青近搖榭中流樹色移白白跳空魚破浪啾
啾愁濕鳥啼枝陂塘五月涼堪掬漫說江湖興
獨宜

長夏凝碧軒口占

當門幾箇新生竹入座多廻低侵陰只此杯涼
堪却暑好風猶自送清音

述和王雅宜山人五憶歌

君所憶兮匡廬泉瀑布千尺如倒懸滔滔鼎沸
流不息疑是銀河落眼前欲洗吾耳聲太急欲
濯吾足勢洄漩誰能裸體跣底從頂直灌心
了然我有一泉清更潔玉壺繫之名重焉汲來
滿甕香且美煮茗釀酒兩皆便更傍瑋瑋山色
翠渴飲其下味偏全吁嗟兮爲君所憶意自如
我將此勺比匡廬

君所憶兮峨嵋雪春來冬去凝不絕雲天只尺
復茫茫幽厓僻谷消還結綠雲翠黛摠相迷一
片璠璵光皎潔誰能有興如仙翁赤脚層冰走
電掣我有小山百尺高超然直與晴霄頡團團
撼陰迷雲煙有時雪壓梅花折也曾乘蹇麓邊
遊澆寒頻使壺觴竭吁嗟乎爲君所憶意何之
我將此壤比峨嵋

君所憶兮太山松美哉宜有大夫封遍身文字
蒼苔護枝頭蜿蜒盡虬龍吼聲應是驚天外捲
雲散霧露高峯誰能箕踞坐其下咀嚼茯苓酒

音言
千鍾我有千章列滿谷雲居直與玄園從濤音
入耳沁脾肺採花爲食美顏容偃仰尚自迷去
徑洞口風生涼轉重吁嗟乎爲君所憶意自閒
令人此地仰太山

君所憶兮渭川竹一色猗猗天地綠未知千畝
何所窮祇見白雲相與逐誰能有興如子猷相
看命駕忘勞碌我有小園半畝畸種之千竿寧
無肉颯颯風生韻自多雨餘月下寒侵服移尊
更覺酒先涼散帙偏嫌陰奪目披襟曾與客相

遊集飲不知日三伏吁嗟乎爲君所憶意自憐
我將此徑比渭川

君所憶兮黃鶴樓仙人一去幾千秋玉笛五月
梅花落頃使江寒仍着裘一派水光天際遠萋
萋之艸鸚鵡洲瀟湘洞庭送青色誰能長嘯浮
太丘我有危樓如峙立俯首闔闐如蟬蛸關山
烟樹在指顧蘭江水接天池流長空返照窮萬
里薰風冉冉白雲悠吁嗟乎爲君所憶意拓落
我將此居比黃鶴

韻譜
卷之七
三思歌

我所思兮秋宵月皎皎炤人能數髮兼之萬籟
寂無聲彌綸灑氣同時發正襟危坐于其下屬
目指掌若可揭相看相憐轉覺親清光直射透
皮骨徘徊意氣薄旻天須臾直到廣寒闕水晶
簾捲玉戶開中有蟾房與兔窟直將挾纈週遭
遊回首題詩留石碣爾兮爾兮何所思瓊樓玉
宇涼偏宜

我所思兮春江水滔滔晝夜不知止千流百折
盡朝宗汪洋沆漭莫與比最是雪消霧不迷更
喜風恬波不起有時船如天上坐有時人向雲
邊倚我駕扁舟恣所之四際連天無障壘浩歌
一曲江干寒長嘯幾聲天地否太乙真人遺瓊
漿豪呼狂飲千百兕爾兮爾兮思何長江天一
色凌蒼茫

我所思兮光天風從何突起漫虛空捲出白雲
山有色送來花片水流紅峽口松濤傳謾謾川
原竹響韻怱怱不須北牖約南吹一當飄拂爭

稱雄披襟散髮緣岩絕仗劍狂呼若叱虹莫使
雨師動微洒偏憐霽色開洪蒙歸復抱甕一長
吹條然兩腋如騰翀爾兮爾兮動思切御空竅
萬相吹徹

擬閨中七夕四絕和玉山人

枕簟逢秋便覺涼乍驚蛩響動橫牆起來獨坐
閒庭下相對雙星暗自傷

誰盟此夕作良宵碧落年年望轉遙依舊銀河
如練淨牽牛不見度靈橋

鄰家乞巧踏歌聲天上應無這段情若是黃姑
能作伐世間寧復別離生

經年一會古成今轉眼何須惜寸陰不似儂行
真薄命常常空自眎佳音

擬客中七夕柬玉山

前年此夕憶家鄉此夕今年道阻長莫問鵲橋
奇會事不知誰是絡絲娘
春色蹉跎又到秋忽然今夜望牽牛懸知天上
懽娛處不管人間嘆白頭

到處相憐共一河又逢乞巧巧如何非關不與人
人間巧老大徒慙拙轉多
良夜無聊漫賦詩客懷潦倒枉尋思可憐寂寞
誰相會還倩雙星管別離

七夕卽事二絕

銀河清淺暮雲迷靈羽編橋結構齊且向庭中
列瓜果學人乞巧亦留題

不見雙星意自猜雲簾高處首重迴層臺贏得
秋光冷咲語長歌杯復杯

送玉山暫歸期予初度重來

憐爾春同至驚秋爾便歸相逢花燦燦惜別雨
霏霏返訊程非遠重盟期莫違登高遲不見籬
菊笑人稀

玉山瀕行值風雨成秋令人繾綣走此津
陽追送之

昨夜西風緊渾驚薤簟涼挂帆歸太急欹枕思
何長邸舍堪親切江湖竟杳茫順時須自愛叮
囑向津陽

夜坐偶成

秋後暑偏酷炎蒸頓轉涼螢流低入戶蛩響漸
臨床雲隙星垂見簷高風引長桂胎清有味回
憶隴頭香

雲莊中弟初度見貽壺榼賦謝

秋歊一夜轉澄清東井遙看瑞氣生懸矢不辜
今日樂吹簫猶憶昔時盟還誇到處多知己不
待來年已立名媿我蒹葭成懶癖漫勞樽酒寄
芳巖

和江上篇寄玉山山人

君從江上行我從江上望江水去滔滔歸帆五
兩颺白雲片片飛隨繞江心浪我心與雲同但
恨無由放白雲江水兩悠悠君情我意一般愁
爲思前席無人共更憶孤舟客思稠漸漸孤舟
去路杳蕭蕭一鴈落沙洲知我懷人在空谷蹠
蹠不禁忙相復紅絲繫雙足綢繆有尺牘盥手
急開緘兀坐從頭讀清風灑向人怪光照滿屋
讀罷淚沾襟掩卷情萬斛憶自同看小苑花千

紅萬紫甚繁華藏鈎射覆從兒戲斗酒雙柑效
大家只道春光住不返須臾夏木鶯聲遠陰濃
晝自長莫管時光晚明月與白雲東山興宛宛
七夕牛女意如何千古靈橋載渡河春去秋來
如駒隙可憐人世自蹉跎聚首期長久歸心頓
時有令我意徬徨不敢酌君酒分携岐路太匆
匆屈指今年冬未終不爲傳舍車魚少可是蘭
幃念慮叢堪憐賓主好分袂各西東君情何太
恐掛席儼凌空才憶衝炎暑俄驚風雨濛風風

雨雨征檣急我上危樓徙倚立知君興自饒歸
去賓朋集但覺我寥寥夢寐思猶及思及深慚
無可贈加飡囑向津陽徑石去獲珠回相思更
愛才細閱篇中句許我意還來荆江之水一衣
帶自我蠶叢流汪濊所幸接壤有蘭江朝來夕
往葦航賴莫問菊花黃相逢可徜徉莫問茱萸
紫相逢可傾兕同社臭如蘭期君共盤桓倘如
負竿影枉有韻琅玕莫令江水咲莫令江水寒
蓼汀蘆渚秋江景尚待騷人發深省今從江上

問舟師付將短句寄天涯興豪臨刻曲須效子
猷思莫作尋常看都將心是期灌蔬主人亦思
覲相遲共醉小槽滴我慚設醴漫勤渠三冬且
足庚申曆

八月十二日夜對月憶越日爲繼樂壽辰
賦此示其諸郎

月光昨夜見天中知爲君家映降嵩雨過桂花
纔馥馥秋清蘭葉轉叢叢階前戲綵憐雲仍堂
上稱觴喜色融翹首祇聞懽咲近可能杯酒寄

山公

繼樂爲諸郎營建自以爲勞且有挑燈向
佛之句書以柬之

眼前同是少年場容易相看鬢着霜愧我蕭條
紹世業多君雲仍衍宗祊貽謨燕翼休辭倦效
惘楓宸祇自傷讀到挑燈飯佛句令人滿抱丸
迴腸

庚申九日未敢登高飲萸時亦不見菊惟
見芙蓉初開賦此

籬邊未見秋華麗池上驚看冷艷芳不爲白衣
無剝啄却緣烏帽更班行連宵明月空庭滿停
午疎風引思長兀對花枝添寂寞忍教續句咏
重陽

賦得菊花風過晚晴時

初冬日煖菊叢遲向晚疎風過短籬高下輕搖
嬌欲舞淡濃並麗摠爭奇相逢不但酬烏帽靜
對無勞倒接羅坐久頓忘花物我猶憐碧落現
娥眉

感慨

憶昔十五二十時冬宵明月興何其不嫌霜冷
教情倦寧使更深爲酒疲問訊幾家常擾夢携
遊到處漫題詩而今兀坐空憐影欲步庭除意
每遲

孟冬廿八日西園閒吟

思多非病酒情倦不勝遊紅葉封堤狹寒花蔓
地愁鴉群何處落鴈字滿空浮葛藟篇難就

日曾

以葛藟咏
詩未成

微吟漫自酌

梅花帳底咏瓶梅

化工帳底已潛春
瓶裡疎枝更漏真
冰玉參差初浴罷
胭脂點綴晚妝新
暗香入枕清無夢
幽趣開襟會有神
色相渾然忘物我
賞心到此共誰人

辛酉仲春十日卽景

凍合連旬雨雪奇
却憐春色自遲遲
迎風楊柳東風亂
帶月梅花二月宜
夜燠盧呼皆舊侶
林深鳥語若新知
相逢一任情潦倒
莫待花開花落時

落時

枕占寄問同社

夢醒驚聽宿鳥過
擁衾猶自意摩娑
未分窻色寒偏甚
不息簷流雨覺多
萬里愁腸憑枕思
一腔幽緒付詩魔
起來更覺還飛雪
爲問東家意若何

姑射看梅遲客

有意探姑射
香風撲面迎
鶯啼憐午煖
魚戲喜新晴
傳爆因催客
停杯爲踐盟
乍驚雲傍日
又

恐負春行

題寄龍陽林邑幕

芷水人相過，忻聞邑幕名。
行春應共適，製錦借相成。
閩海家聲遠，孤山韻語清。
憐才余獨切，題寄漫爲情。

步玉山午日寄韻

西園詞賦愧，羨壻祇愛芙蓉。
可集裳過我，雅誼皆咏汶懷君。
清况幾迴腸，不嗟樂事那如舊。
惟聽邊傳令，似霜寄到詩篇。
徒想憶報瓊離草，雨

三行

午日四志樓祀濂溪先生偶成時雨如注
池上蓮華比昔榮，况逢佳節若相迎。
蒲根黍角饅儀薄，淨植香浮結契清。
千古風光時想見，一聯道義自同情。
傾盆驟雨聲何急，應洗邊塵辟五兵。

七夕值雨

瓜果年年祀巧儔，朦朧此夕向誰求。
秋蒸自是爲雲雨，夜望空教憶女牛。
不見靈河憑鵲渡，祇

音言
卷之七
堪衰草起螢流捫心兀坐思何極可怪兒童咲
語綢

擬中弟哭祖母

倏然青鳥返瑤池暫住人間八十期戲綵已申
將母意陳情寧待報劉私蛩依總帳聲同咽梧
落空庭景更悲欲盡梧捲何處覓几筵香燼杳
難追

與僧如通還蜀

稻畦半作蜀雲裁清楚行踪不點埃自理三車

修白業旋從千里問黃梅蘭香水月心先印風
動幡幢妙自猜贈與一篇聊作偈杖頭相伴好
西回

夏至日同客酌亭賞蓮喜雨

好雨隨時候荷亭氣味新葉珠頻濺碎花粉漸
舒勻漱灑同浮筆琅玕盡屬人

聯卽熊
紫珍題

話君須

拚醉幽賞見吾真

仲夏旣日見硃砂海棠華并實

夏日炎炎艸木奢綠濃葉底露丹砂化工何事

偏留意長注東風在此花
曾聞萍實大于斗乍見海棠實若瓜
夏日且華如春仲應徵和氣到官家

夏日西野卽事

才過女墻外菁葱卽野郊
看蓮酬我興啜茗解人嘲
不見魚翻浪猶聽鳥散巢
此行何太蚤拒暑莫容洧

看竹隨吾往何須更問君
醒枝微滴露落籜盡
凌雲更愛松杉伴還憐禾黍耘
老農勤事蚤稚

子戲成群

乳犬迎人吠新蟬入葉鳴
看山皆不厭臨水有餘情
古木饒蒼色時蔬解宿醒
此來多樂地衝暑亦閒行

我方倨慢坐知友逐騎來
江水一堤隔風帆五兩催
陰濃依樹下涼沁到池隈
主人情意重尊酒野亭開

壬戌夏再伏劉長梧兵憲爲我言魯星卿
園亭有作樂童子數人明日夥來環碧軒

試之可蕩煩暑彼還賦此以寄主人
喜聽絲竹沁詩脾聞到潯陽聲有奇只謂逢難
空嘆息元從惠好便相知松濤竹韻均清遠舞
袖歌喉共雅宜慙是主人具盛美匹綾愧我未
能貽

壽繼樂五十

海上蟠桃秋正紅仙人貽我桂花叢君山更取
亭邊酒醉把真圖佩八公

世壽堂前豆雨晴銀潢光引壽星明斑斕疊舞
歡何限應是丹臺舊有名
閶闔風高月似輪江城秋色正宜人南飛鶴曲
傳新調銅狄增看五百旬

廿

軒滌晴臨外
軒滌晴臨外
軒滌晴臨外
軒滌晴臨外

閨闔風高月
閨闔風高月
閨闔風高月
閨闔風高月

薄何則惠長
薄何則惠長
薄何則惠長
薄何則惠長

星明
星明
星明
星明



